




Zem so man rechte frung aneynander setz / so bleyben sie eynmal wie das ander / alleyn das man sie vber ort / oder zwerchs mag stellen / oder man mag sie verrucken / wie die stein messen ire quader schliessen wie das vnden ist auffgerissen.



Aber die rauten frung / die zwen weit winkel / vnd zwen eng gegen eynander ober haben / die setz zweyerley weis also an eynander. Erstlich das sie all durchs Endres creuz geschiden werden. Zum andern setz zwo mit den seitten an eynander / vnd die drit stoss zwerchs darein / so sieht solchs wie eyn gestirter würffel / also der massen setz sie für vnd für an eynander / Noch ist ein ander weis die rauten an einander zusetzen / also das alweg zwen eck vnder ein seitten kumen / es gibe auch eyn steren / so man / 8 / rauten mit iren spiz ecken zusammen setz / das mag man auch than mit sechs vnd fünffen / wie das hernach ist auffgerissen.



Fürbas wil ich ein fünf / sechs / sibben / vñ ein achte eck / vilichs sunderlich zusammen setz / doch eines anders dan / das ander. Zu eynem muster setz zum ersten / drey fünf eck mit iren seitten / an eyn zwerchlini / also das sie mit iren ecken aneynander anzüren / Darnach setz vnden bregegen / aber drey fünf eck mit iren seitten an die oberen / die auch mit iren ecken an eynander an rüren / so werde zwischen denn fünff ecken / ablang rauten frung / also mach das noch eyn mal / vñnd stoss alweg solcher zwen teyl / den eynen mit seinen ecken in des andern winkel / das ist dye erst meynung / vñnd die geneuest zusammen setzung der fünf eck. Darnach mach die zwen zusammen gesetzten teyl der fünf eck / wie vor / vñnd setz sie darnach mit iren ecken zusammen / also das eyn vilich fünf eck mit eynere seiten vñnd drey ecken / vier ander fünf eck anrür / so werden zwischen den fünf ecken zweyerley rauten frung / neben do die seitten an eynander stossen enge / vñnd zwischen den ecken weitter / das ist so weit zu brauchen als man will. Zum fünften setz die fünf eck also aneynander. Erstlich mach eyn fünf eck vñnd setz eyn geich messig fünf eck an villiche seitten / darnach setz an die selben fünf / fünf eck / an eyn villiche siederlich an ire zwo seitten zwen andre fünf eck / so werden zwischen den fünf ecken fünf schmal rauten frung / Darnach stoss fünf eck in die winkel zu rings herum / die do worden sind / also das sie mit iren ecken die schmal rauten frungen an rüren / also thu im für vñnd für / so weit du wilt / Du magst auch fünf ecken von den fünf ecken zusammen setzen / die all an eynander anrüren / vñnd darnach vñnd kerre / an eynander hencken so offte du wilt / vñnd das setz darneben aufffüllen war mit du wilt / solchs alles ist hernach auffgerissen.



51